



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrīs Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 9. Israelitæ, contra Ægyptios, prodigiosè defensi.

[urn:nbn:de:hbz:466:1-49823](#)

§. IX.

*Israëlitæ , contra Ægyptios , prodigiose
defensi.*

Mirabile exemplum est, in Israëlitis ex AEgypto egressis usque ad mare rubrum. Ibi cum hinc motibus clauderentur, inde truculentum aquor obstaret, à tergo autem in festo exercitu Pharaon eos premeret; illi vero etiam hosti armis impares essent, neque nubibus traijcere pelagus possent, neque alas haberent, quibus trans montes possent euolare, quid aliud clamare, humano iudicio, poterat populus, tot diuinorum prodigiorum oblitus, quam:

Catull. de
Nupt. Pe-
les & The-
tidos.

*Siccine me Pharijs abductum , perfide, ab
oris.*

*Perfide , deserto liquisti in littore, Moyses?
Non patet egressus pelagi cingentibus undis.
Nulla fuga ratio , nulla spes : omnia muta:
Omnia sunt deserta: ostentant omnia lethum.*

Nam ferè ad hunc modū locutus est & Pharaon de Israëlitis, & Israëlitæ de Pharaone.

Exod. Ille dixit: *Coræstati sunt in terra , conclusit eos
desertum. Cumq; persequerentur Ægyptij ve-
stigia præcedentiū, repererunt eos in castris super
mare : omnis equitatus & currus Pharaonis, &
uniuersus exercitus erant in Phihahiroth con-
tra*

tra Beelesephon. Cumq; appropinquasset Pharaon, levantes filij Israël oculos, viderunt Aegyptios post se: & timuerunt valde: clamaueruntq; ad Dominum (non, quo cōportebat modo) & dixerunt ad Moysen: Forsitan non erant sepulchra in Aegypto, ideo tulisti nos, ut moreremur in solitudine, quid hoc facere voluisti, ut educeres nos ex Aegypto? Nonne iste est sermo, quem loquebamur ad te, in Aegypto dicentes: Recede a nobis, ut seruiamus AEgyptijs? multò enim melius erat, seruire eis, quam mori in solitudine? Ad quem planè modum in angustias redacti multi Deo parum fidentes, sed humanis duntaxat consilijs & auxilijs apparentibus nixi loquuntur. Cùm enim ipsi modum non vident euadendi, neque Deo contenti, quasi se vindicaturi, ita fidem illi datam, religionēmq; omnem seponunt; ita fidem perfidis adhibent; ita toties decepti decipi amplius volunt; immò ita virtuti honestique aurū & arces ruituras anteponunt; ita scopus illis omnis est utile; ita, cum irata Iunone, Acheronta mouere, quam Superos flectere malunt. Quasi non Deus sit verus auxiliator, tempore pacis; aut, in ipsa belli tempestate, Dominus Exercituum, & dator victiarum; quo offenso, nemo unquam

quam vicit ; placato , nemo victus est. Ita
ergo præpostere , vt vincant , Deum blas-
phemant , & contra pios , tanquam Israeli-
tæ contra Moysen , murmurant , qui pacem
reducere , atque eos ex Aegyptiaca seruitu-
te educere , & Pharaonica Tyrañide libera-
re voluerunt. Si quem enim Moysen nacti-
funt , dicentem , *Ibi incipiunt auxilia diuina ,*
vbi deficiunt humana , illico aiunt : Recede à
nobis , ut seruiamus Aegyptijs. Ad hos igitur
tales , ait Moyses : *Nolite timere : state &*
videte magnalia Domini , quæ facturus est hodie :
Aegyptios enim , quos nunc videtis , nequaquam
ultra videbitis , usq[ue] in sempiternum. Domi-
nus pugnabit pro vobis , & vos tacebitis. No-
uit Dominus ipsum mare diuidere , nouit
tollere montes , nouit submergere equos &
quadrigas ; & totos fluctibus exercitus se-
pelire. Nam etiam miraculis succurrit su-
is , quando necesse est. Nec prima vice id
fit , quando Deus id facit. Quanquam is ,
ita est sapiens ac potens , vt , etiam sine mira-
culis , extemplo possit omnia humana con-
filia disturbare , & inde , vnde minimè pu-
tatur , rebus desperatis remedium inuenire ;
modò nos , id eum posse crederemus. Non
est necesse miracula expectare ; ad Deum re-

S. 14

exemplis veteris Testamenti docetur.

15

cūtamus; non est nostrum, vt pro Deo solliciti simus, aut omnipotenti Domino modā præscribamus. Nostrum est, sperare, illius iuuare. Quantūm nos ab illo recedimus, tantūm & ille recedit à nobis.

§. X.

Ad terram conuersos, à cælo deserit.

Iosue
II.

Enim uero sæpe aliunde quærere solatia humana, fuit perdere diuina. Israëlitæ ijdem in Galgalis, & Campestribus Iericho fecerunt Phase, & comedenterunt de frugibus terra, die altero, azymos panes & polentam eiusdem anni. In eum usque diem Manna illis de cælo cecidit: ast, ubi ad terram & terrenos cibos, solatiaque conuersi sunt, licet sancto prætextu azymorum, quid factum est? Clarè aperit Scriptura inquiens: *Defecit q̄ manna; postquam comedenterunt de frugibus presentis anni terra Chanaan.* Deficiunt itaque cælestia, ubi dominantur terrena; sicut ubi desinit auxilium terrenum, ibi cœleste succurrit. Hoc experiuntur, qui, dum, agnita sua calamitate, dicere coguntur: *cirsumdederunt me dolores mortis: & torrentes iniquitatis conturbauerunt me;* etiam illud dicerunt pronunciare: *Dominus firmamen- tum meum, & refugium meum, & liberator*

psal. 17.9.

Ibid. v. 8.

meus;